

www.BibleForChildren.org



उत्प 6



नोहाआ पारवाड ए होय. नोहू धर्मी माटी
आन तियाआ वेलेए माअहंमेहें खोरु
ओतू; आन नोहू देवोअरीज आरी आरी
सालतु रोयू. आन देवे धरतीपोअ नजर
टाक्यी ताहां की देख्यो के ते बिगडीत
गोयीही; काहाके आखे जनवारे

धरतीपोअ तियां तियांआं
वेवारो
बिगाडीत
लेदोतो.



ताहां देवे नोहाहा कोयो, "आखा जनवारोहो
आरवीइलोअ प्रश्न माआ सामने आयोहो; काहाके
तियांआं वाखरी धरती तारासो वाअहीं पोआइत
गोयीही, तियाहा काजे आंय तियांहां धरतीइ
आरीज आरवीत टाकनारु."



"तियाहा काजे तू गोफेर साडोअ लाकडाआ एक जाहाज
बोणावीत ले, तियामेहें खुल्यी बोणावजी, आन
मायते-बारथे तियीपोअ डांबऱ्यो लागाडजी."




एहें कोइत तू तियाहा बोणावजी:
जाहाज तिन होव आथ नांबी,
पोन्नास आथ पोली, आन तीस
आथोअ उसी लेजी.



"आन राज्या राज्यामेहें ओन जों
खातेहे, तियांहां तू लेत कोइत ताआ
जागे टोलू मिकजी; जो ताआ आन
तियांआं खाअलोअ काजे रोय."




आन आखा जिवता जनवारोमेऱ्येए तू एकेक जातीइ नर-मादा
जाहाजीमेहें लेत जात कोइत तुमाअरी जिवते मिकजा.




आखी जातीइ सोका जनवारो मेऱ्येए ते तू हांत हांत
जोड़वे मोऱ्ये नर आन मादा लेजी; पोन
जो जनवारे सोके कायनाहां, तियांमेऱ्येए
बेन बेन लेजी, मोऱ्ये नर आन मादा.





नोहू तियाआ पोच्या, लाडी,
आन वोवडीह्हीहीं आरी लेत
कोइत रेलेम रेत वासाइलाअ काजे
जाहाजेम गोयु.



A stylized illustration of a wooden wall with a window, set against a green background. The wall is composed of horizontal wooden planks. A window with a grid pattern is visible on the wall. The background is a solid green color with a dark grey area at the top left.

जाहां नोहाआ वय सोव होव वोरह्योअ
दुसरा मोयनाआ सात्रावू दिही आयू; तेदिहींज
वोडा उंडा दोच्याआ आखा उकला फुटीत निहीया
आन जुगोअ पाअर्योअ बाअणे उगडीत गोये.





आन वोरहात सालीही दिहीन सालीही रात्यी
एक सारकू धरतीपोअ ओवतू रोयू.




पाईं वादतो वादतो धरतीपोअ जास्तीज
वादीत गोयो, आन जाहाज पाअयोंपोअ
तोरंगाअती रोयी.



पाई धरतीपोअ खुबुज वादीत गोयो, एतोह जाआं के पुरी धरतीपोअ
जेत्ता वोडा वोडा डोगोअ ओता, आखा बुडीत गोया. जें जें धरतीपोअ
ओते, तियांमेऱ्येए जेत्ताआ नाकोमेहें जिवनोअ हावा ओती,
तें आखे आरवाइत गोये.



पोन देवे नोहाआ आन जेते जोंगल्ये जनवारे आन
कोन्येए जनवारे तियाअरी जाहाजेम ओते, तियां
आखाआ ओर मिक्की: आन देवे धरतीपोअ वारो
वादाइयो; आन पाई आटाओ वोल्यो;




फाशुओअ एहेलोहो ओवो के सालीही दिहोअ फासाड़ी नोहे
तियाआ बोणावल्यी जाहाजेए खिड़की



उगाड़ीत कोइत, फाशुओअ तिये
धरतीपोअ रोत पाई आटाइत
गोयोहो के नाहां तों पालीइलोअ
काजे तियाआ जागे रोत एकी
पेरवीही बी उडाड़ी देदी.



आन दुसरा मोयनाआ सात्ताविसवे दिही धरती पुरीज उगाइत गोयी.
ताहां देवे नोहाहा कोयो, "तू ताआ पोऱ्या, लाडी, आन वोवड़ीह्ही
नेहें जाहाजेम रोट निहीत आवा."



ताहां नोहे यहोवा देवोअ काजे एक देवान्यो बोणायो; आन आखा सोका
जनवारोअ आन आखा
सोका सिडामेन्येए थोड़
थोड़े लेत कोइत
देवान्यापोअ गाराहा कोअये.



फाश्योअ देवे कोयो,
"जे शप्पत आंय तुमाअरी,
आन जेते जिवते जनवारे
तुमाअरी होय यां आखाअरी
बी हादाजोलम्यीइ पिडीइ
काजे लेहो, तियीइ ए निशाणी होय:
आंय वाद्लामेहें माआं बाण मिक्कीही,

ते माआं आन धरतीइ
विसमेहें शप्पतेए
निशाणी रोये."





"आन जाहां आंय
धरतीपोअ वाद्लो
पसरावीहीं ताहां
वादलाम बाण देखाये. ताहां
माआं जे शप्पत तुमाआं आन
आखा जिवता जनवारोअ आरी
लेदीही; तियीही आंय ओर कोअहीं,

ताहरुउ एहेलिही रेल
फाशीइ ने ओवे जियी
वाअहीं आखे जनवारे
ने आरवाय."



ताहरुउ देवे नोहाहा आन
तियाआ पोच्याहां आशिर्वाद आप्यु आन
तियांहां कोयो, "फुला-फलान वादीत जावा,
आन धरती पोअ पोआइत जावा. नोहाअ
पोच्या जे जाहाजेम रोट निहीया, ते शेम,
हाम, आन येपेत ओता; आन हाम
कनानोअ आब्हू बोण्यु. नोहाअ
तिन पोच्या एज
होय,

आन यांआं वंश पुरी
धरतीपोअ पसरीत गोयो."



काहाके देवे दुन्यापोअ एतीही मेर कोअयी के,
तिये तियाआ एखलू बेटुहू आपी देदू, एताआ
काजे के जो कोडो तियापोअ विश्वास मिके, तो
ने आरवाअहूं जोवे, पोन तियाहा
हादाजल्म्योंअ जिवन
जोडुहू जोवे.



रोम 3:23 काहाके आखाज पाप कोअयुह, आन देवोअ महिमा रोत सेटे ओत गोयेहे.

रोम 6:23 काहाके पापोअ मोजरी ते मोत होय, पो न देवोअ वरदान आपाआ प्रभु ख्रिस्त ईसुमेहें हादाफल्योअ जिवन होय.

इब्री 9:27 आन जेहलोहो मोनवीइ एकुज वारी मोइलो तिहींरोत न्यायनिवाडु ठरवीत मिक्युह.

इफिस 2:8,9 काहाके देवोअ मेरवानी वाअहींज विश्वासोअ वाखरी तुमू वासाअयेहे; आन ओं तुमा वाअहीं नाहां ओवो, पो न देवोअ भेट होय, आन ओं नाहां आपाआ कामों वाअहीं, एहलोहो ने ओवुहूं जोवे के एखु वोडाय कोए.

रोम 10:9,10 काहाके जर तू ताआ सोबी वाअहीं ईसु प्रभु होय कोत कबुल कोअही आन देवे तियाहा मोल्या मेहें रोत जिवाइयुह एहेलुहू विश्वास कोअही, ताहां तू हुदाअलीज वासात जाही.



जों मोनोवाअहीं विश्वास कोअहे तों धर्मी ठरेहे, आन जों सोबी वाअहीं कबुल कोअहे तियाहा तारण जोड़ेहे.

योहान 3:16,17 काहाके देवे दुन्यापोअ एतीही मेर कोअयी के, तिये तियाआ एखलू बेटुहू आपी देदू, एताआ काजे के जो कोडो तियापोअ विश्वास मिके, तो ने आरवाअहूं जोवे, पोन तियाहा हादाजल्म्योंअ जिवन जोड़ुहू जोवे. देवे तियाआ बेटाहहाहा दुन्यामेहें याअ काजे नाहां मोकल्यू, के दुन्याआ न्याय निवाड़ू कोए, पोन तियाहा याअकाजे मोकल्यू के दुन्याआ तारण ओवुहूं जोवे.

1 योहान 5:11-13 आन ते साक्शी ए होय के, देवे आपुहूं अमर जिवन आप्योहो आन ओं जिवन तियाआ बेटाहहाम होय. जियाहा देवोअ बेटुहू जोड़्युहू तियाहा जिवन जोड़्योहो; आन जियाहा देवोअ बेटुहू ने जोड़्यु तियाहा जिवन ने जोड़्यो. देवोअ बेटाहहाअ नावोपोअ विश्वास मिकनारा तुमापोअ अमर जिवन होय, ओं तुमुहूं समजाअहूं जोवे कोत आंय तुमुहूं ओं लेखोहो.



उत्प 6 – 10

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Noiri-Bhil Bible (noi) ©The Word For The World
International and Noiri-Bhil Translation Samiti, Dhadgaon,
Maharashtra, India, 2025.

<https://live.bible.is/bible/NOIWFWMAT/1>

©2026 Bible for Children, Inc.

www.M1914.org

www.bibleforchildren.org

